


唐段少卿酉陽雜俎

三



唐段少卿酉陽雜俎前集卷之十四

唐太常少卿臨淄柯古段成式撰

明四川道監察御史內鄉李雲鵠校

諾臯記上

夫度朔司刑可以知其情狀葆登掌祀將以著於感通
有生盡幻遊魂爲變乃聖人定璇璣之式立巫祝之官
考乎十輝之祥正乎九黎之亂當有道之日鬼不傷人
在觀德之時神無乏主若列生言竈下之駒撥莊生言
戶內之雷霆楚莊爭隨兕而禍移齊桓覩委蛇而病愈
徵祥變化無日無之在乎不傷人不乏主而已成式因

覽歷代恠書偶疏所記題曰諾臯記街談鄙俚與言風
波不足以辯九鼎之象廣七車之對然游息之暇足爲
鼓吹耳

崑崙之墟帝之下都百神所在也

太荒中有靈山有十巫咸曰即盼彭姑具禮抵謝羅從
此升降

天山有神是名渾激狀如橐而光其光如火六足重翼
無面目是識一曰嗜音歌舞實爲帝江形天與帝爭神帝斷
其首葬之常羊山乃以乳爲目臍爲口操干戚而舞焉

漢竹宮用紫泥爲壇天神下若流火玉飾器七千枚

一作一

枝
舞女三百人○一日漢祭天神用萬二千杯養牛五
歲重三千觔

太一君諱臈天秩萬二千石

天翁姓張名堅字刺渴漁陽人少不羈無所拘忌常張
羅得一白雀愛而養之夢天劉翁責怒每欲殺之白雀
輒以報堅堅設諸方待之終莫能害天翁遂下觀之堅
盛設賓主乃竊騎天翁車乘白龍振策登天天翁乘餘
龍追之不及堅既到玄宮易百官杜塞北門封白雀爲
上卿侯改白雀之胤不產於下土劉翁失治徘徊五岳
作災堅患之以劉翁爲太山太守主生死之籍

北斗魁第一星神名曰執

報一日

陰第二星曰叶詣

一作諸

第三星曰視金第四星曰拒

拒一作

理第五星曰防件第

六星曰開寶第七星曰招搖

始一日

東王公諱倪字君明天下未有人民時秩二萬六千石

佩襍色綬綬長六丈六尺從女九千以丁亥日死

西王母姓楊諱回治崑崙西北隅以丁丑日死一日婉

姁

竈神名隗狀如美女又姓張名單字子郭夫人字卿忌

有六女皆名察

一作祭

洽常以月晦日上天白人罪狀大

者奪紀紀三百日小者奪筭筭一百日故爲天帝督使

下爲地精巳丑日日出卯時上天禺中下行署此日祭
得福其屬神有天帝嬌孫天帝大夫天帝都尉天帝長
兄礪上童子突上紫官君太和君玉池夫人等一曰竈
神名壤子也

河伯人面乘兩龍一曰冰夷一曰馮夷又曰人面魚身

余一匱言名馮循一作修河圖言姓呂名夷穆天子傳言

無夷淮南子言馮遲聖賢記言服八石得水仙抱朴子

曰八月上庚日溺河

甲子神名弓隆欲入水內呼之河伯九千導引入水不

溺

甲戌神名執明呼之入火不燒

太真科經說有鬼仙丙戌日鬼名龕生 丙午日鬼名

挺濃 乙卯日鬼名天陪 戊午日鬼名耳述 壬戌

日鬼名遼 辛丑日鬼名迅 乙酉日鬼名聶左 丙

辰日鬼名天漣 辛卯日鬼名懸 酉丑鬼名髮廷廷

廁鬼名頊天竺一曰竺 語忘敬遺二鬼名婦人臨產呼

之不害人長三寸三分上下烏衣 馬鬼名賜 虵鬼

名例石圭一曰圭 井鬼名瓊 衣服鬼名甚遼 神荼鬱

壘領萬鬼舊讎詞曰申作食 佛胃食虎雄伯食魅騰

蘭一曰蘭 食祥攪一曰攪 諸食咎伯倚食夢强梁祖名共食

磔磔曰死寄生窮竒騰根共食蠱王延壽所夢有遊光

纍毅 諸渠 印堯 夔瞿 傖俸 將劇 摘脉

堯峴寺

一曰堯峴等

吐火羅國縛底野城古波斯王烏瑟多習之所築也王初築此城高二三尺即壞歎曰吾應無道天令築此城不成矣有小女名郝息見父憂恚問曰王有隣敵乎王曰吾是波斯國王領千餘國今至吐火羅國中欲築此城垂功萬代既不遂心所以憂耳女曰願王無憂明日令匠視我所履之跡築之即立王異之至明女起步西北自截右手小指遺血成蹤匠隨血築之逐日轉蹤匝

女遂化爲海神其海神至今猶在堡子下澄清如鏡周
五百餘步

古龜茲國王阿主兒者有神異力能降伏毒龍時有賈
人買市人金銀寶貨至夜中錢並化爲炭境內數百家
皆失金寶王有男先出家成阿羅漢果王問之羅漢曰
此龍所爲龍居北山其頭若虎今在某處眠耳王乃易
衣持劍默出至龍所見龍卧將欲斬之因曰吾斬寐龍
誰知吾有神力遂叱龍龍驚起化爲師子王即乘其上
龍怒作雷聲騰空至城北二十里王謂龍曰爾不降當
斷爾頭龍懼王神力乃作人語曰勿殺我我當與王乘

欲有所向隨心即至王許之後常乘龍而行

乾陀國昔有王神勇多謀號伽當

一曰加色伽當

討襲諸國所

向悉降至五天竺國得上細絲二條自留一一與妃妃因衣其絲謁王絲當妃乳上有鬱金香手印跡王見驚恐謂妃曰爾忽著此手跡之服何也妃言向王所賜之絲王怒問藏臣藏臣曰絲本有是非臣之咎王追商者問之商言南天竺國娑陀婆恨王有宿願每年所賦細絲並重疊積之手染鬱金拓於絲上千萬重手印悉透丈夫衣之手印當背婦人衣之手印當乳王令左右披之皆如商者言王因叩劔曰吾若不以此劔裁娑陀婆

恨王手足無以寢食乃遣使就南天竺索娑陀婆恨王
手足使至其國娑陀婆恨王與群臣給報曰我國雖有
王名娑陀婆恨原無王也但以金爲王設於殿上凡統
領教習在臣下耳王遂起象馬兵南討其國其國隱其
王於地窟中鑄金人來迎伽色伽王知其僞且自恃福
力因斷金人手足娑陀婆恨王於窟中手足亦自落也
齊郡接歷山上有古鐵鎖大如人臂繞其峯再浹相傳
本海中山山神好移故海神鎖之挽鎖斷飛來於此矣
太原郡東有崖山天旱土人常燒此山以求雨俗傳崖
山神娶河伯女故河伯見火必降雨救之今山上多生

水草

華不注泉齊頃公取水處方圓百餘步北齊時有人以繩千尺沉石試之不窮石出赤如血其人不久坐事死

荊州永豐縣東鄉里有卧石一長九尺六寸其形似人而舉體青黃隱起狀若雕刻境若旱便齊手

一作祭元齊字而

舉之小舉小雨大舉大雨相傳此石忽見於此本長九尺今加六寸矣

荆之清

一曰清

水宛

一曰穴

口傍義興十二年有兒群浴此

水忽然岸側有錢出如流沙因竟取之手滿置地隨復去乃衣襟結之然後各有所得流錢中有銅車以銅牛

牽之勢甚迅速諸童奔逐掣得車一脚徑可五寸許猪
鼻轂有六幅通體青色轂內黃銳狀如常運於時沈敬
一作守南陽求得車脚錢行時貫草輒便停破竟不知
所終往

虎窟山相傳燕建平中濟南太守胡諮於此山窟得白
虎因名焉

烏山下無水魏末有人掘井五丈得一石函函中得一
龜大如馬蹄積炭五枝於函傍復掘三丈遇盤石下有
水流洶洶然遂鑿石穿水北流甚駛俄有一船觸石而
上匠人窺船上得一杉木板板刻字曰吳赤烏二年八

月十日武昌王子義之船

平原縣西十里舊有杜林南燕太上時有邵敬伯者家於長白山有人寄敬伯一函書言我吳江使也令吾通問於濟伯今須過長白幸君爲通之仍教敬伯但於杜林中取樹葉投之於水當有人出敬伯從之果見人引入敬伯懼水其人令敬伯閉目似入水中豁然宮殿宏麗見一翁年可八九十坐水精牀發函開書曰裕興超滅侍衛者皆圓眼具甲冑敬伯辭出以一刀子贈敬伯曰好去但持此刀當無水厄矣敬伯出還至杜林中而衣裳初無沾濕果其年宋武帝滅燕敬伯三年居兩河

西前十四
間夜中忽大水舉村俱沒唯敬伯坐一榻牀至曉著岸
敬伯下看之乃是一大龜龜一曰也敬伯死刀子亦失世
傳杜林下有河伯家

臨清有妬婦津相傳言晉大始中劉伯玉妻段氏字明
光性妬忌伯玉常於妻前誦洛神賦語其妻曰娶婦得
如此吾無憾矣明光曰君何得以水神美而欲輕我吾
死何愁不爲水神其夜乃自沈而死死後七日託夢語
伯玉曰君本願神吾今得爲神也伯玉寤而覺之遂終
身不復渡水有婦人渡此津者皆壞衣枉粧然後敢濟
不爾風波暴發醜婦雖粧飾而渡其神亦不妬也婦人

渡河無風浪者以爲已醜不致水神怒醜婦諱之無不
皆自毀形容以塞嗤笑也故齊人語曰欲求好婦立在
津口婦立水傍好醜自彰

壞衣一作襤衣

虞道施義熙中乘車山行忽有一人烏衣勁上車言寄
載頭上有光口目皆赤面被毛行十里方去臨別語施
曰我是駟除大將軍感爾相容因留贈銀環一雙

晉隆安中吳興有人年可二十自號聖公姓謝死已百
年忽詣陳氏宅言是已舊宅可見還不爾燒汝一夕火
發蕩盡因有烏毛挿地繞宅周匝數重百姓乃起廟
大足初有士人隨新羅使風吹至一處人皆長鬚語與

唐言通號長鬚國人物茂盛棟宇衣冠稍異中國地曰

扶桑洲其署官品有正長戢波目役

一作日波

島邏等號士

人歷謁數處其國皆敬之忽一日有車馬數十言大王

召客行兩日方至一大城甲士守門焉使者導士人入

伏謁殿宇高敞儀衛如王者見士人拜伏小起乃拜士

人爲司風長兼駙馬其主甚美有鬚數十根士人威勢

烜赫富有珠玉然每歸見其妻則不悅其王多月滿夜

則大會後遇會士人見姬嬪悉有鬚因賦詩曰花無藥

不妍女無鬚亦醜文人試遣惣無未必不如惣有王大

笑曰駙馬竟未能忘情於小女願額間乎經十餘年士

人有一兒二女忽一日其君臣憂感士人恠問之王泣
曰吾國有難禍在旦夕非駙馬不能救士人驚曰苟難
可弭性命不敢辭也王乃令具舟令兩使隨士人謂曰
煩駙馬一謁海龍王但言東海第三汊第七島長鬚國
有難求救我國絕微須再三言之因涕泣執手而別士
人登舟瞬息至岸岸沙悉七寶人皆衣冠長大士人乃
前求謁龍王龍宮狀如佛寺所圖天宮光明迭激目不
能視龍王降階迎士人齊級升殿訪其來意士人具說
龍王即令速勘良久一人自外白曰境內並無此國士
人復哀祈言長鬚國在東海第三汊第七島龍王復叱

使者細尋勘速報經食頃使者返曰此島蝦合供大王
此月食料前日已追到龍王笑曰客固為蝦所魅耳吾
雖為王所食皆稟天符不得妄食今為客減食乃令引
客視之見鐵鑊數十如屋滿中是蝦有五六頭色赤大
如臂見客跳躍似求救狀引者曰此蝦王也士人不覺
悲泣龍王命放蝦王一鑊令二使送客歸中國一夕至
登州回顧二使乃巨龍也

天寶初安思順進五色玉帶又於左藏庫中得五色玉

杯上恠近日西賁

一作貢

無五色玉令責安西諸蕃蕃言

比常進皆為小勃律所劫不達上怒欲征之群臣多諫

獨李右座林甫贊成上意且言武臣王天運謀勇可將
乃命王天運將四萬人兼統諸蕃兵伐之及逼勃律城
下勃律君長恐懼請罪悉出寶玉願歲貢獻天運不許
即屠城虜三千人及其珠璣而還勃律中有術者言將
軍無義不祥天將大風雪矣行數百里忽風四起雪花
如翼風激小海水成冰柱起而復摧經半日小海漲湧
四萬人一時凍死唯蕃漢各一人得還具奏玄宗大驚
異即令中使隨二人驗之至小海側冰猶崢嶸如山隔
冰見兵士屍立者坐者瑩澈可數中使將返冰忽消釋
衆屍亦不復見

郭代公常山居中夜有人面如盤瞋目出於燈下公了無懼色徐染翰題其頰曰久戍人偏老長征馬不肥公之警句也題畢吟之其物遂滅數日公隨樵間步見巨木上有白耳大如數斗所題句在焉

大曆中有士人莊在渭南遇疾卒於京妻柳氏因莊居一子年十一二夏夜其子忽恐悸不眠三更後忽見一老人白衣兩牙出吻外熟視之良久漸近牀前牀前有婢眠熟因扼其喉咬然有聲衣隨手碎攫食之須臾骨露乃舉起飲其五藏見老人口大如簸箕子方叫一無所見婢已骨矣數月後亦無他士人祥齋日暮柳氏露

坐逐涼有胡蜂遶其首面柳氏以扇擊墮地乃胡桃也
柳氏遽取翫之掌中遂長初如拳如椀驚顧之際已如
盤矣曝然分爲兩扇空中輪轉聲如分蜂忽合於柳氏
首柳氏碎首齒著於樹其物因飛去竟不知何恠也

賈相公耽在滑州境內大旱秋稼盡損賈召大將二人
謂曰今歲荒旱煩君二人救三軍百姓也皆言苟利軍
州死不足辭賈笑曰君可辱爲健步乙

一作明

日當有兩

騎衣慘緋所乘馬蕃步鬣長經市出城君等蹤之識其
所滅處則吾事諧矣二將乃裹糧衣皂衣尋之一如賈
言自市至野二百餘里映大冢而滅遂壘石標表誌焉

經信而返賈大喜令軍健數百人具畚鍤與二將偕往其所因發冢獲陳粟數十萬斛人竟不之測

胡珣為號州時獵人殺得鹿重一百八十觔蹄下貫銅鏤鏤上有篆字博物者不能識之

博士丘濡說汝州傍縣五十年前村人失其女數歲忽自歸言初被物寐中牽去倏止一處及明乃在古塔中見美丈夫謂曰我天人分合得汝為妻自有年限勿生疑懼且戒其不窺外也日兩返下取食有時炙餌猶熱經年女伺其去竊窺之見其騰空如飛火髮藍膚磔磔耳如驢焉至地乃復人矣驚怖汗洽其物返覺曰爾固

窺我我實野乂與爾有緣終不害汝女素惠謝曰我既
爲君妻豈有惡乎君旣靈異何不居人間使我時見父
母乎其物言我輩罪業或與人褻處則疫癘作今形跡
已露任爾縱觀不久當爾歸也其塔去人居止甚近女
常下視其物在空中不能化形至地方與人褻或有白
衣塵中者其物斂手側避或見撓其頭唾其面者行人
悉若不見及歸女問之向見君街中有敬之者有戲狎
之者何也物笑曰世有喫牛肉者予得而欺之或遇忠
直孝養釋道守戒律法錄者吾悞犯之當爲天戮又經
年忽悲泣語女緣已盡候風雨送爾歸因授一青石大

西前十四
如雞卵言至家可磨此服之能下毒氣後一夕風雷其
物遽持女曰可去矣如釋氏言屈伸臂頃已至其家墜
之庭中其母因磨石飲之下物如青泥斗餘

李公佐大曆中在廬州有書吏王庚請假歸夜行郭外
忽值引騶呵辟書吏遽映大樹窺之且恠此無尊官也
導騎後一人紫衣儀衛如節使後有車一乘方渡水御
者前白車鞣索斷紫衣者言檢簿遂見數吏檢簿曰合
取廬州某里張某妻脊筋乃書吏之姨也頃刻吏廻持
兩條白物各長數尺乃渡水而去至家姨尚無恙經宿
忽患背疼半日而卒

元和初有一士人失姓字因醉卧廳中及醒見古屏上
婦人等悉於牀前踏歌歌曰長安女兒踏春陽無處春
陽不斷腸舞袖弓腰渾忘却蛾眉空帶九秋霜其中雙
鬟者問曰如何是弓腰歌者笑曰汝不見我作弓腰乎
乃反首髻及地腰勢如規焉士人驚懼因叱之忽然上
屏亦無其他

鄭相餘慶在梁州有龍興寺僧智圓善摠持敕勒之術
制邪理痛多著効日有數十人候門智圓臘高稍倦鄭
公頗敬之因求住城東隙地鄭公為起草屋種植有沙
彌行者各一人居之數年暇日智圓向陽科脚甲有婦

西前古
人布衣甚端麗至階作禮智圓遽整衣恠問弟子何由
至此婦人因泣曰妾不幸夫亡而子幼小老母危病知
和尚神呪助力乞加救護智圓曰貧道本厭城隍喧嗽
兼煩於招謝弟子母病可就此為加持也婦人復再三
泣請且言母病劇不可舉扶智圓亦哀而許之乃言從
此向北二十餘里至一村村側近有魯家莊但訪韋十
娘所居也智圓詰朝如言行二十餘里歷訪悉無而返
來日婦人復至僧責曰貧道昨日遠赴約何差謬如此
婦人言只去和尚所止處二三里耳和尚慈悲必為再
往僧怒曰老僧哀暮今誓不出婦人乃聲高曰慈悲何

在耶今事須去因上階牽僧臂驚迫亦疑其非人恍惚
間以刀子刺之婦人遂倒乃沙彌悞中刀流血死矣僧
忙然遽與行者瘞之於飯甕下沙彌本村人家去蘭若
十七八里其日其家悉在田有人皂衣揭襍乞漿於田
中村人訪其所由乃言居近智圓和尚蘭若沙彌之父
欣然訪其子耗其人請問具言其事盖魅所爲也沙彌
父母盡皆號哭詣僧僧猶給焉其父乃鋤索而獲即訴
於官鄭公大駭俾求盜吏細按意其必冤也僧具陳狀
貧道宿債有死而已按者亦已死論僧求假七日令持
念爲將來資糧鄭公哀而許之僧沐浴設壇急印契縛

西前十四
十四
爆考其魅凡三夕婦人見於壇上言我類不少所求食處輒爲和尚破除沙彌且在能爲誓不持念必相還也智圓懇爲設誓婦人喜曰沙彌在城南某村幾里古丘中僧言於官吏用其言尋之沙彌果在神已癡矣發沙彌棺中乃苕箒也僧始得雪自是絕不復道一梵字元和初洛陽村百姓王清傭力得錢五鍰因買田畔一枯栗樹將爲薪以求利經宿爲鄰人盜斫創及腹忽有黑蛇舉首如臂人語曰我王清本也汝勿斫其人驚懼失斤而走及明王清率子孫薪之復掘其根根下得大筓二散錢實之王清因是獲利而歸十餘年巨富遂梵

錢成龍形號王清本

元和中蘇湛游蓬鵲山暴糧鑽火境無遺址忽謂妻曰
我行山中覩倒崖有光鏡必靈境也明日將投之今與
卿訣妻子號泣止之不得及明遂行妻子領奴婢潛隨
之入山數十里遙望巖有白光圓明徑丈蘇遂逼之纔
及其光長叫一聲妻兒遽前救之身如瓊矣有蜘蛛黑
色大如鈷鑊忝集巖下奴以利刃決其網方斷蘇已腦
陷而死妻乃積薪燒其崖臭滿一山中

相傳裴旻山行有山蜘蛛垂絲如疋布將及旻引弓
射殺之大如車輪因斷其絲數尺収之部下有金創者

唐段少卿西陽襟俎前集卷之十五

唐 太常少卿臨淄柯古段成式 撰

明 四川道監察御史內鄉李雲鵠 校

諾臯記下

和州劉錄事者大曆中罷官居和州旁縣食兼數人尤能食鱠常言鱠味未嘗果腹邑客乃網魚百餘觔會於野亭觀其下筯初食鱠數疊忽似哽咯出一骨珠子大如黑豆乃寘於茶甌中以疊覆之食未半恠覆甌傾側劉舉視之向者骨珠已長數寸如人狀坐客競觀之隨視而長頃刻長及人遂梓劉因馱流血良久各散走一

循廳之西一轉廳之左俱及後門相觸翁成一人乃劉也神已癡矣半日方能言訪其所以皆不省自是惡鱸馮坦者常有疾醫令浸蛇酒服之初服一瓮子疾減半又令家人園中執一蛇投瓮中封閉七日及開蛇躍出舉首尺餘出門因失所在其過跡地墳起數寸陸紹郎中言常記一人浸蛇酒前後殺蛇數十頭一日自臨瓮窺酒有物跳出齧其鼻將落視之乃蛇頭骨因瘡毀其鼻如劊焉

有陳朴元和中住崇賢里北街大門外有大槐樹村常黃昏徙倚窺外見若婦人及狐大老鳥之類飛入樹中

遂伐視之樹凡三槎一槎空中一槎有獨頭栗一百二
十一槎中襁一死兒長尺餘

僧無可言近傳有白將軍者常於曲江洗馬馬忽跳出
驚走前足有物色白如衣帶縈繞數匝遽令解之血流
數升白異之遂封紙貼中藏衣箱內一日送客至漉水
出示諸客客曰盍以水試之白以鞭築地成竅置虫於
中沃盥其上少頃虫蠕蠕而長竅中泉湧倏忽自盤若
一席有黑氣如香烟徑出簷外衆懼曰必龍也遂急歸
未數里風雨驟至大震數聲

景公寺前街中舊有巨井俗呼爲八角井元和初有公

主夏中過見百姓方汲令從婢以銀稜椀就井承水悞墜椀經月餘出於渭河

東平未用兵有舉人孟不疑客昭義夜至一驛方欲濯足有稱淄青張評事者僕從數十孟欲叅謁張被酒初不顧孟因退就西間張連呼驛吏索煎餅孟默然窺之且怒其傲良久煎餅熟孟見一黑物如猪隨盤至燈影而立如此五六返張竟不察孟因恐懼無睡張尋大鼾至三更後孟纔交睫忽見一人皂衣與張角力久乃相摔入東偏房中拳聲如杵一餉間張被髮雙袒而出還寢牀上入五更張乃喚僕使張燭巾櫛就孟曰某昨醉

中都不知秀才同廳因命食談笑甚懽時時小聲曰昨夜甚慚長者乞不言也孟但唯唯復曰某有程須早發秀才可先也遂摸靴中得金一挺授曰薄貺乞密前事孟不敢辭即爲前去行數日方聽捕殺人賊孟詢諸道路皆曰淄青張評事至某驛早發遲明空鞍失所在驛吏返至驛尋索驛西閣中有席角發之白骨而已無泊一蠅肉也地上滴血無餘惟一隻履在旁相傳此驛舊凶竟不知何恠舉人祝元膺常言親見孟不疑說每每戒夜食必須發祭也祝又言孟素不信釋氏頗能詩其句云白日故鄉遠青山佳句中後常持念遊覽不復應

舉

劉積中常於京近縣莊居妻病重於一夕劉未眠忽有婦人白首長纜三尺自燈影中出謂劉曰夫人病唯我能理何不祈我劉素剛咄之姥徐戟手曰勿悔勿悔遂滅妻因暴心痛殆將卒劉不得已祝之言已復出劉揖之坐乃索茶一甌向口如呪狀顧命灌夫人茶纔入口痛愈後時時輒出家人亦不之懼經年復謂劉曰我有女子及笄煩主人求一佳婿劉笑曰人鬼路殊固難遂所託姥曰非求人也但爲刻桐木爲形稍工者則爲佳矣劉許諾因爲具之經宿木人失矣又謂劉曰兼煩主

人作鋪公鋪母若可某夕我自具車輪奉迎劉心計無奈何亦許至一日過酉有僕馬車乘至門姥亦至曰主人可往劉與妻各登其車馬天黑至一處朱門崇墉籠燭列迎賓客供帳之盛如王公家引劉至一廳朱紫數十有與相識者有已歿者各相視無言妻至一堂蠟炬如臂錦翠爭煥亦有婦人數十存歿相識各半但相視而已及五更劉與妻恍惚間却還至家如醉醒十不記其一二矣經數月姥復來拜謝曰小女成長今復託主人劉不耐以枕抵之曰老魅敢如此擾人姥隨枕而滅妻遂疾發劉與男女酹地禱之不復出矣妻竟以心痛

卒劉妹復病心痛劉欲徙居一切物膠着其處輕若履
屣亦不可舉迎道流上章梵僧持呪悉不禁劉常暇日
藥方其婢小碧自外來垂手緩步大言劉四頗憶平昔
無旣而嘶咽曰省躬近從泰山回路逢飛天野又携賢
妹心肝我亦奪得因舉袖袖中蠕蠕有物左顧似有所
命曰可爲安置又覺袖中風生衝簾幌入堂中乃上堂
對劉坐問存歿叙平生事劉與杜省躬同年及第有分
其婢舉止笑語無不肖也頃曰我有事不可久留執劉
手嗚咽劉亦悲不自勝婢忽然而倒及覺一無所記其
妹亦自此無恙

臨川郡南城縣令戴譽初買宅於館娃坊暇日與弟聞
坐廳中忽聽婦人聚笑聲或近或遠譽頗異之笑聲漸
近忽見婦人數十散在廳前倏忽不見如是累日譽不
知所爲廳階前枯梨樹大合抱意其爲祥因伐之根下
有石露如塊掘之轉闊勢如鋤形乃火上沃醢鑿深五
六尺不透忽見婦人繞坑抵掌大笑有頃共牽譽入坑
投於石上一家驚懼之際婦人復還大笑譽亦隨出譽
纔出又失其弟家人慟哭譽獨不哭曰他亦甚快活何
用哭也譽至死不肯言其情狀

獨孤叔牙常令家人汲水重不可轉數人助出之乃人

也戴席帽攀欄大笑却墜井中汲者攬得席帽挂於庭
樹每雨所溜雨處輒生黃菌

有史秀才者元和中曾與道流遊華山時暑環憇一小
溪忽有一葉大如掌紅潤可愛隨流而下史獨接得寘
懷中坐食頃覺懷中漸重潛起觀之覺葉上鱗起栗栗
而動史驚懼棄林中遽白衆曰此必龍也可速去矣須
臾林中白烟生彌於一谷史下山未半風雷大至

史論作將軍時忽覺妻所居房中有光異之因與妻遍
索房中且無所見一日妻早粧開奩奩中忽有五
色龜大如錢吐五色氣彌滿一室後常養之

一作金

工部員外郎張周封言舊莊城東狗脊背

水經注言此狗架背

西

常築墻於太歲上一夕盡崩且意其基虛工不至乃率莊客指揮築之高未數尺炊者驚叫曰恠作矣遽視之飢數斗悉躍出蔽地著墻勻若蠶子無一粒重者轟墻之半如界焉因詣巫酌地謝之亦無他焉

山蕭一名山臊神異經作獯

曰操

永嘉郡記作山魅一名

山駱一名蛟

曰蛟

一名濯肉一名熱肉一名暉一名飛龍

如鳩青色亦曰治烏巢大如五斗器飾以土墜赤白相

間狀如射侯犯者能役虎害人燒人廬舍俗言山蕭

伍相奴或擾人許於伍相廟多已舊說一姓姚二姓王

三姓汪昔值洪水食都樹皮餓死化爲鳥都皮骨爲猪

都婦女爲人都鳥

鳥一日

都左液下有鏡印闊二寸一分

右脚無大指右手無三指左耳缺右目盲在樹根居者
名猪都在樹半可攀及者名人都在樹尾者名鳥都其
禁有打土壘法山鵲法其掌訣右手第二指上節邊禁
山都眼左手目禁其喉南中多食其巢味如木芝窠表
可爲履履治脚氣

舊說野狐名紫狐夜擊尾火出將爲恠必戴髑髏拜北
斗髑髏不墜則化爲人矣

劉元鼎爲蔡州蔡州新破食

倉一日

場狐暴劉遣吏生捕

日於球場縱犬逐之爲樂經年所殺百數後獲一疥狐
縱五六犬皆不敢逐狐亦不走劉大異之令訪大將家
獵狗及監軍亦自誇巨犬至皆弭耳環守之狐良久緩
跡直上設廳穿臺盤出廳後及城牆俄失所在劉自是
不復令捕道術中有天狐別行法言天狐九尾金色役
於日月宮有符有醮日可洞達陰陽

南中有獸名風狸如狙眉長好羞見人輒低頭其溺能
理風疾術士多言風狸杖難得於翳形草南人以上長
繩繫於野外大樹下人匿於旁樹穴中以伺之三日後
知無人至乃於草中尋摸忽得一草莖折之長尺許窺

樹上有鳥集指之隨指而墮因取而食之人候其怠勁走奪之見人遽齧食之或不及則弃於草中若不可得當打之數百方肯爲人取有得之者禽獸隨指而斃有所欲者指之如意

開成末永興坊百姓王乙掘井過常井一丈餘無水忽聽向下有人語及雞聲甚喧鬧近如隔壁井匠懼不敢掘街司申金吾韋處仁將軍韋以事涉恠異不復奏遽令塞之據亡新求周秦故事謁者閣上得驪山本李斯領徒七十二萬人作陵鑿之以韋一作章程三十七歲固地中水泉奏曰已深已極鑿之不入燒之不燃叩之空

空如下天

一日如
有天狀

狀抑知厚地之下別有天地也

大和三年壽州虞候景乙京西防秋迴其妻久病纔相見遽言我半身被斫去往東園矣可速逐之乙大驚因趣園中時昏黑見一物長六尺餘狀如嬰兒裸立挈一竹器乙情急將擊之物遂走遺其器乙就視見其妻半身乙驚倒或亡所見反視妻自髮際眉間及脣有壘如指映膜赤色又謂乙曰可辦乳二升沃於園中所見物處我前生爲人後妻節其子乳致死因爲所訟冥斷還其半身向無君則死矣

大和未荆南松滋縣南有士人寄居親故莊中肄業初

到之夕二更後方張燈臨案忽有小人纔半寸葛巾杖
策入門謂士人曰乍到無主人當寂寞其聲大如蒼蠅
士人素有膽氣初若不見乃登牀責曰遽不存主客禮
乎復升案窺書詬罵不已因覆硯於書上士人不耐以
筆擊之墮地叫數聲出門而滅頃有婦人四五或媵或
少皆長一寸呼曰真官以君獨學故令郎君言展且論
精奧何癡頑狂率輒致損害今可見真官其來索續如
蟻狀如騶卒撲緣士人士人恍然若夢因齧四肢痛苦
甚復曰汝不去將損汝眼四五頭遂上其面士人驚懼
隨出門至堂東遙望見一門絕小如節使之門士人乃

叫何物恠魅敢凌人如此復被觜且衆齧之恍惚間已入小門內見一人峩冠當殿階下侍衛千數悉長寸餘叱士人曰吾憐汝獨處俾小兒往何苦致害罪當腰斬乃見數十人悉持刀攘臂迫之士人大懼謝曰某愚騃肉眼不識真官乞賜餘生久乃曰且解知悔叱令曳出不覺已在小門外及歸書堂已五更矣殘燈猶在及明尋其蹤跡東壁古培下有小穴如粟守宮出入焉士人即率數夫發之深數丈有守宮十餘石大者色赤長尺許蓋其王也壤土如樓狀士人聚蘇焚之後亦無他京宣平坊有官人夜歸入曲有賣油者張帽驅驢馱桶

不避導者搏之頭隨而落遂遽入一大宅門官人異之
隨入至大槐樹下遂滅因告其家即掘之深數尺其樹
根枯下有大蝦蟇如疊挾二筆鍤他荅反補器又云器鍤物頭也樹溜
津滿其中也及巨白菌如殿門浮漚釘其蓋已落蝦蟇
即驢矣筆鍤乃油桶也菌即其人也里有沽其油者月
餘恠其油好而賤及恠露食者悉病嘔洩

陵州龍興寺僧惠恪不拘戒律力舉石臼好客往來多
依之常夜會寺僧十餘設煎餅二更有巨手被毛如胡
鹿大言曰之一煎餅衆僧驚散惟惠恪掇煎餅數枚置
其掌中魅因合拳僧遂極力急握之魅哀祈聲甚切惠

恪呼家人斫之及斷乃鳥一羽也明日隨其血蹤出寺西南入溪至一巖罅而滅惠恪率人發掘乃一坑礫石開成初東市百姓喪父騎驢市凶具行百步驢忽曰我姓白名元通負君家力已足勿復騎我南市賣麩家欠我五千四百我又負君錢數亦如之今可賣我其人驚異即牽行旋訪主賣之驢甚壯報價只及五千詣麩行乃還五千四百因賣之兩宿而死

鄆州闕司倉者家在荊州其女乳母鈕氏有一子妻愛之與其子均焉衣物飲食悉等忽一日妻偶得林擒一蒂戲與已子乳母乃怒曰小娘子成長忘我矣常有物

與我子停今何容偏因齧吻攘臂再三反覆主人之子
一家驚怖逐奪之其子狀貌長短正與乳母兒不下也
妻知其恠謝之鈕氏復手箴主人之子始如舊矣闕爲
災祥密令人持鏹闖擊之正當其胸驕然反中門扇鈕
大怒詬闕曰爾如此勿悔闕知無可奈何與妻拜祈之
怒方解鈕至今尚在其家敬之如神更有事甚多矣
荊州處士侯又玄常出郊廁於荒冢上及下跌傷其肘
瘡甚行數百步逢一老人問何所苦也又玄見其肘老
人言偶有良藥可封之十日不開必愈又玄如其言及
解視之一臂遂落又玄兄弟五六互病病必出血月餘

又玄兄兩臂忽病瘡六七處小者如榆錢大者如錢皆
人面至死不差時荆秀才杜曄話此事於座客

許卑山人言江左數十年前有商人左膊上有瘡如人
面亦無他苦商人戲滴酒口中其面亦赤以物食之凡
物必食食多覺膊內肉漲起疑胃在其中也或不食之
則一臂痺焉有善醫者教其歷試諸藥金石草木悉與
之至貝母其瘡乃聚眉閉口商人喜曰此藥必治也因
以小葦筒毀其口灌之數日成痂遂愈

工部員外張周封言今年春拜掃假迴至湖城逆旅說
去年秋有河北軍將過此至郊外數里忽有旋風如斗

唐段少卿酉陽雜俎前集卷之十六

唐 太常少卿臨淄柯古段成式 撰

明 四川道監察御史內鄉李雲鵠 校

廣動植之一 并序

成式以天地間造化所產突而旋成形者樊然矣故山海經爾雅所不能究因拾前儒所著有草木禽魚未列經史或經史已載事未悉者或接諸耳目簡編所無者作廣動植冀培土培丘陵之學也昔曹丕著論於火布滕循獻疑於鰕鬚蔡謀不識彭蜺劉縉誤呼荔挺至今可笑學者豈容略乎

總叙○羽嘉生飛龍飛龍生鳳凰生鸞鸞生庶鳥○應
龍生建鳥建鳥生騏驎騏驎生庶獸○分鱗生蛟龍蛟
龍生鯤鯁鯥生建邪建邪生庶魚○分潭生先龍先
龍生玄魴玄魴生靈龜靈龜生庶龜○日馮生玄陽闕
玄陽闕生鱗胎鱗胎生幹木幹木生庶木○招搖生程
君程君生玄玉玄玉生醴泉醴泉生應黃應黃生黃
華黃華生庶草○海間生屈龍屈龍生容華容華生
菓菓生藻藻生浮草○甲虫影伏羽虫體伏○食草者
多力而愚食肉者勇敢而悍○齧吞者八竅而卵生咀
嚼者九竅而胎生○無角者膏而先前有角者脂而先

後○食葉者有絲食土者不息食而不飲者蠶飲而不

食者蟬不飲不食者蜉蝣蜉蝣一日屬卻行虵屬紆行蜻

蚋屬往鳴蝸屬旁鳴發皇翼鳴蚣蝮股鳴榮原胃鳴○

蝸三十日而死○鱸魚三月上官於孟津○鷓鴣向日

飛○鰻與鱉魚車螯與移角並相似○鳳雄鳴節節雌

鳴足足行鳴曰歸嬉止鳴曰提袂○麒麟牡鳴曰逝日

遊聖牡鳴曰歸和春鳴曰扶助夏鳴曰養綏○鼈無耳

為守神○虎五指為羆○魚滿三百六十年則為蛟龍

引飛去水○魚二千觔為蛟○武陽小魚一觔千頭○

東海大魚瞳子大如三斗盎○桃支竹以四寸為一節

木瓜一尺一百二十一節○木蘭去皮不死荆木心方○
蛇有水草木土四種○孔雀尾端一寸名珠毛○鶴左
右脚裏第一指名兵爪○蜀郡無兔鴿○江南一日無
狼馬○朱提以南無鳩鵲○鳥有四千五百種獸有二
千四百種○鴉楚鳩所生○騾不滋乳○蔡中郎以反
舌爲蝦蟆淮南子以蛭爲蠛蠓詩義以蝨爲蠖蛄高誘
以乾鵠爲蟋蟀○兔吐子鷓鴣吐鷓○瓜瓠子曰犀胡
桃人曰蝦蟆○蝦蟆無腸○龜腸一日屬於頭○科斗
尾脫則足生○鳥獸未孕者爲禽鳥養子曰乳○蛇蟠
向王鵲巢背太歲驚伏戊巳虎奮衝破乾鵠知來猩猩

知往○鶴影抱蝦蟆聲抱○蟬化齊后鳥生杜宇○椰子為越王頭壺樓為杜宇項○鷓鴣鳴曰向南不北逃間鳴懸壺盧繫項一日○豆以二七為族粟累十二為

寸

人參處處生蘭長生為瑞○有實曰果又在水曰果○小麥忌戌大麥忌子○薺葶蘆荊蕒為三葉孟夏煞之○烏頭殼外有毛石劫應節生花○木再花夏有電李再花秋大霜○木無故叢○枝盡向下又生及一尺至一丈自死皆凶○邑中終歲無烏有冠郡中忽無烏者日烏亡○雞無故自飛去家有蠱雞日中不下樹妻妾

姦謀○見蛇交三年死蛇冬見寢室爲急兵人夜卧無
故失髻者鼠妖也○屋柱木無故生芝者白爲喪赤爲
血黑爲賊黃爲喜其形如人面者亡財如牛馬者遠役
如龜蛇者田蠶耗○德及幽隱則比目魚至生一日○妾
媵有制則白燕來巢○山上有葱下有銀山上有薤下
有金山上有薑下有銅錫山有寶玉木旁枝皆下垂○
葛稚川嘗就上林令魚泉得朝臣所上草木名二十餘
種隣人石瓊就之求借一皆遺弃語曰買魚得鱖不如
食茹寧去累世宅不去鯁魚額洛鯉伊魴貴於牛羊○
得合瀾螭雖不足豪亦足以高○檳榔扶留可以忘憂

○白馬紺榴一實直牛○草木暉暉蒼黃亂飛

羽篇

鳳骨黑雄雌夕旦鳴各異黃帝使伶倫制十二箏寫之
其雄聲其雌音樂有鳳凰臺此鳳脚下物如白石者鳳
有時來儀候其所止處掘深三尺有圓石如卵正白服
之安心神

孔雀釋氏書言孔雀因雷聲而孕

鸛江淮謂群鸛璇飛爲鸛井鶴亦好旋飛必有風雨人
探巢取鸛子六十里早能群飛薄霄激雨雨爲之散

鳥鳴地上無好聲人臨行鳥鳴而前引多喜此舊占所

不載○貞元十四年鄭汴二州群鳥飛入田緒李納境
內街木爲城高至二三尺方十餘里納緒惡而命焚之
信宿如舊鳥口皆流血

俗候烏飛翅重天將開

鵲巢中必有梁崔圓相公妻在家時與姊妹戲於後園
見二鵲構巢共銜一木如筆管長尺餘安巢中衆悉不
見俗言見鵲上梁必貴

大曆八年乾陵上仙觀天尊殿有雙鵲銜柴及泥補葺
隙壞一十五處宰臣上表賀

貞元三年中書省梧桐樹上有鵲以泥爲巢焚其巢可

禳狐魅

燕凡狐白貉鼠之類燕見之則毛脫或言燕蟄於水

日一

片底舊說燕不入室是井之虛也取桐爲男女各一投

井中燕必來胸班黑聲大名胡燕其巢有容疋素者

雀釋氏書言雀沙生因浴沙塵受卵蜀弔鳥山至雉雀

來弔最悲百姓夜燃火伺取之無噤不食似持一曰悲

者以爲義則不殺

鴿大理永鄯復禮言波斯舶上多養鴿鴿能飛行數千

里輒放一隻至家以爲平安信

鸚鵡能飛衆鳥趾前三後一唯鸚鵡四趾齊分凡鳥下

臉取上獨此鳥兩臉俱動如人目

玄宗時有五色鸚鵡能言上令左右試牽帝衣鳥輒瞋目叱咤岐府文學能延京獻鸚鵡篇以贊其事張燕公有表賀稱爲時樂鳥

杜鵑始陽相催而鳴先鳴者吐血死嘗有人山行見一群寂然聊學其聲即死初鳴先聽其聲者主離別廁上聽其聲不祥厭之法當爲大聲應之

雉鴒舊言可使得取火効人言勝鸚鵡取其目睛和人乳研滴眼中能見烟霄外物也

鵝濟南郡張公城西北有鵝浦南燕世有漁人居水側

常聽鵝之聲衆中有鈴聲甚清亮候之見一鵝咽頸極長羅得之項上有銅鈴綴以銀鐮隱起元鼎元年字
晉時營道縣令何潛之於縣界得鳥大如白鷺膝上髀下自然有銅鐮貫之

鳩鵲舊言辟火災巢於高樹生子穴中銜其母翅飛下養之

鴉相傳鴉生三子一為鴉肅宗張皇后專權每進酒常
寘鴉腦酒鴉腦酒令人久醉健忘

異鳥天寶二年平盧有紫虫食禾苗時東北有赤頭鳥群飛食之

開元二十三年榆關有蜉蝣虫延入平州界亦有群雀食之○又開元中貝州蝗虫食禾有大白鳥數千小白鳥數萬盡食其虫

大曆八年大鳥見武功群鳥隨噪之行營將張日芬射獲之肉翅狐首四足足有爪廣四尺三寸狀類蝙蝠又邠州有白頭鳥乳鵠鵠

王母使者齊郡函山有鳥足青嘴赤黃素翼絳頰名王母使者昔漢武登此山得玉函長五寸帝下山玉函忽化爲白鳥飛去世傳山上有王母藥函常令鳥守之吐綬鳥魚復縣南山有鳥大如鵠鵠羽色

一日多黑襟

以黃白頭頰似雉有時吐物長數寸丹采彪炳形色類
綬因名爲吐綬鳥又食必蓄嗉臆前大如斗慮觸其嗉
行每遠草木故一名避株鳥

鸛鷓一名墮羿形似鵲人射之則銜矢反射人

鸚鵡喙大而句長一尺赤黃色受二升南人以爲酒杯
也

菘節鳥四脚尾似鼠形如雀終南深谷中有之

老鷓秦中山谷間有鳥如梟色青黃肉翅好食烟見人
輒驚落隱首草穴中常露身其聲如嬰兒啼名老鷓
柴蒿京之近山有柴蒿鳥頭有冠如戴勝大若野鷄

鸞鳥其聲自號正月以後作聲至五月節不知所在其形似鵠鶴

蝦蟇護南山下有鳥名蝦蟇護多在田中頭有冠色蒼足赤形似鷺

夜行遊女一曰天帝女一名鈞星夜飛晝隱如鬼神衣毛為飛鳥脫毛為婦人無子喜取人子胸前有乳凡人飴小兒不可露處小兒衣亦不可露曬毛落衣中當為鳥祟或以血點其衣為誌或言產死者所化

鬼車鳥相傳此鳥昔有十首能收人魂一首為犬所噬秦中天陰有時有聲聲如力車鳴或言是水雞過也

白澤圖謂之蒼鷓帝鵠書謂之逆鷓夫子子夏所見寶曆中國子四門助教史迥語成式常見裴瑜所注爾雅言鷓麋鷓是九頭鳥也

細鳥漢武時畢勒國獻細鳥以方尺玉爲籠數百頭狀如蠅聲如鴻鷓此國以候日因名候日虫集官人衣輒蒙愛幸

嗽金鳥出昆明國形如雀色黃常翱翔於海上魏明帝時其國來獻此鳥飴以眞珠及龜腦常吐金屑如粟鑄之乃爲器服官人爭以鳥所吐金爲釵珥謂之辟寒金以鳥不畏寒也官人相嘲弄曰不服辟寒金那得帝王

心不服辟寒鈿那得帝王怜

背明鳥吳時越嵩之南獻背明鳥形如鶴止不向明巢必對北其聲百變

奇嵐鳥出河西赤塢鎮狀似鳥而大飛翔於陣上多不利

鸛鷓狀如燕稍大足短趾似鼠未常見下地常止林中偶失勢控地不能自振及舉上凌青霄出涼州也

鷓鳥武周縣合火山山上有鷓鳥形類鳥觜赤如丹一名赤觜鳥亦曰阿鷓鳥

訓胡惡鳥也鳴則後竅應之

百勞博勞也相傳伯奇所化取其所踏枝鞭小兒能令
速語南人繼母有娠乳兒兒病如瘡唯鴟毛治之

毛篇

師子釋氏書言師子筋為絃鼓之衆絃皆絕

西域有黑獅子捧師子○集賢校理張希復言舊有師
子尾拂夏月蠅蚋不敢集其上

舊說蘇合香師子糞也

象舊說象性久識見其子皮必泣一枚重千觔釋氏書
言象七久柱地六牙牙生理必因雷聲

又言龍象六十歲骨方足今荆地象色黑兩牙江猪也

咸亨三年周澄國遣使上表言訶伽國有白象首垂四
牙身運五足象之所在其土必豐以水洗牙飲之愈疾
請發兵迎取

象膽隨四時在四腿春在前左夏在前右如龜無定體
也鼻端有爪可拾鍼肉有十二般惟鼻是其本肉

陶貞白言夏月合藥宜置象牙於藥旁南人言象妬惡
犬聲獵者裹糧登高樹構熊巢伺之有群象過則爲犬
聲悉舉鼻吼叫循守不復去或經五六日困倒其下因
潛殺之耳後有穴薄如鼓皮一刺而斃胃前小橫骨灰
之酒服令人能浮水出沒食其肉令人體重

古訓言象孕五歲始生

虎交而月暈仙人鄭思遠常騎虎故人許隱齒痛求治
鄭曰唯得虎鬚及熱挿齒間即愈鄭爲拔數莖與之因
知虎鬚治齒也○虎殺人能令屍起自解衣方食之虎
威如乙字長一寸在脇兩旁皮內尾端亦有之佩之臨
官佳無官人所媚嫉○虎夜視一目放光一目看物獵
人候而射之光墜入地成白石主小兒驚

馬虜中護蘭馬五白馬也亦曰玉面諸真馬十三歲馬
也以十三歲已下可以留種舊種馬戎馬八尺田馬七
尺駑馬六尺○瓜州飼馬以糞草沙州以茨萁涼州以

教突渾蜀以稗草以蘿蔔根飼馬馬肥安比飼馬以沙
蓬根針○大食國馬解人語○悉怛國怛幹國出好馬
○馬四歲兩齒至二十歲齒盡平○體名有輪鼠外鳧
烏頭龍翅虎口○豬槽飼馬石灰泥槽汗而繫門三事
落駒○迴毛在頸白馬黑馬鞍下腋下迴毛右脅白毛
左右後足白

馬四足黑目下橫毛黃馬白喙旋毛在吻後汗溝上通
尾本目赤睫亂及反睫白馬黑目目白卻視並不可騎
夜眼名附蟬尸肝名懸燧亦曰雞舌綠袂方言以地黃
甘草噉五十歲生三駒

牛北人牛瘦者多以蛇灌鼻口則爲獨肝水牛有獨肝者殺人逆賊李希烈食之而死○相牛法岐胡有壽膺匡欲廣毫筋欲橫蹄後筋也常有聲有黃也角冷有病旋毛在珠泉無壽睫亂觸人銜烏角偏妨主毛少骨多有力溺射前良牛也踈肋難養三歲二齒四歲四齒五歲六齒六歲以後每年接脊骨一節

甯公所飭牛陰虹屬頸陰虹雙筋自尾屬頸也

北虜之先索國有泥師都二妻生四子一子化爲鴻遂委三子謂曰爾可從古旃古旃牛也三子因隨牛牛所糞悉成肉酪○太原縣北有銀牛山漢建武二十一年

有人騎白牛蹊人田田父訶詰之乃曰吾北海使將看
天子登封遂乘牛上山田父尋至山上唯見牛跡遺糞
皆爲銀也明年世祖封禪

鹿虞部郎中陸紹弟爲盧氏縣尉常觀獵人獵忽遇鹿
五六頭臨澗見人不驚毛斑如畫陸恠獵人不射問之
獵者言此仙鹿也射之不能傷且復不利陸不信強之
獵者不得已一發矢鹿帶箭而去及返射者墜崖折左
足

南康記云合浦有鹿額上戴科藤一枝四條直上各一
丈

犀之通天者必惡影常飲濁水當其溺時人趕不復移
足角之理形似百物或云犀角通者是其病然其理有
倒插正插腰鼓插倒者一半已下通正者一半已上通
腰鼓者中斷不通故波斯謂牙爲白暗犀爲黑暗成式
門下醫人吳士臯常職於南海郡見舶主說本國取犀
先於山路多植木如狙杖一作杖云犀前脚直常倚木而
息木攔折則不能起犀牛一名奴角有鴟處必有犀也
犀三毛一孔劉孝標言犀墮角埋之人以假角易之
駝牲羞木蘭篇明駝千里脚多誤作鳴字駝卧腹不貼
地屈足漏明則行千里

天鐵熊高宗時加

加一日

毘葉國獻天鐵熊擒白象獅子

狼大如狗蒼色作聲諸竅皆沸胫中筋大如鴨卵有犯盜者薰之當令手攣縮或言狼筋如織絡小囊虫所作也狼糞烟直上烽火用之○或言狼狽是兩物狽前足絕短每行常駕兩狼失狼則不能動故世言事乖者稱狼狽○臨濟郡西有狼塚近世曾有人獨行於野遇狼數十頭其人窘急遂登草積上有兩狼乃入穴中負出一老狼老狼至以口拔數莖草群狼遂竟拔之積將崩遇獵者救之而免其人相率掘此塚得狼百餘頭殺之疑老狼即狽也

貍澤大如犬其膏宣利以手所承及於銅鐵瓦器中貯
悉透以骨盛則不漏

狇獮微外勃樊州熏陸香所出也如楓脂狇獮好啖之
大者重十觔狀似獮其頭身四肢了無毛唯從鼻上竟
脊至尾有青毛廣一寸長三四分獵得者斫刺不傷積
薪焚之不死乃大杖擊之骨碎乃死

黃腰一名唐已人見之不祥俗相傳食虎

香狸取其水道連囊以酒澆乾之其氣如真麝

耶希有鹿兩頭食毒草是其胎矢也夷謂鹿爲耶矢爲

希

蠅似黃狗圍有常處若行遠不及其家

一云處

則以草塞

其尻

猥獮蜀西南高山上有物如猴狀長七尺名猥獮一曰馬化好竊人妻多時形皆類之盡姓楊蜀中姓楊者往往獲爪

狒狒飲其血可以見鬼力負千觔笑輒上吻掩額狀如獼猴作人言如鳥聲能知生死血可染緋髮可爲髮舊說反踵獵者言無膝睡常倚物宋建武高城郡進雌雄二頭

在子者鬻身人首灸之以藿則鳴曰在子

大尾羊康居出大尾羊尾上旁廣重十觔

又僧玄奘至西域大雪山高嶺下有一村養羊大如驢
賓國出野青羊尾如翠色土人食之

一、此類 此類物不似秋長七八寸

二、此類 此類物不似秋長七八寸

三、此類 此類物不似秋長七八寸

四、此類 此類物不似秋長七八寸

五、此類 此類物不似秋長七八寸

六、此類 此類物不似秋長七八寸

七、此類 此類物不似秋長七八寸

八、此類 此類物不似秋長七八寸

九、此類 此類物不似秋長七八寸

十、此類 此類物不似秋長七八寸

唐段少卿西陽襍俎前集卷之十七

唐 太常少卿臨淄柯古段成式 撰

明 四川道監察御史內鄉李雲鵠 校

廣動植之二

鱗介篇

龍頭上有一物如博山形名尺木龍無尺木不能昇天

井魚井魚腦有穴每翕水輒於腦穴蹙出如飛泉散落海中舟人競以空器貯之海水鹹苦經魚腦穴出反淡如泉水焉成式見梵僧普一日提勝說

異魚東海漁人言近獲魚長五六尺腸胃成胡鹿刀槩

之狀或號秦皇魚

鯉脊中鱗一道每鱗有小黑點大小皆三十六鱗國朝律取得鯉魚即宜放仍不得喫號赤鱠公賣者杖一曰決

六十言鯉爲李也

黃魚蜀中每殺黃魚天必陰雨

烏賊舊說名河伯度

一曰從

事小吏遇大魚輒放墨方數

尺以混其身江東人或取墨書契以脫人財物書跡如淡墨逾年字消唯空紙耳海人言昔秦王東遊弃筭袋於海化爲此魚形如筭袋兩帶極長一說烏賊有矴遇風則蚪前一鬚下矴

鮎魚凡諸魚欲產鮎魚輒舐其腹世謂之衆魚之生母

鰮魚章安縣出出入鰮腹子朝出索食暮還入母腹腹中容四子頰赤如金甚健網不能制俗呼爲河伯健兒

鮫魚鮫子驚則入母腹中

馬頭魚象浦有魚色黑長五丈餘頭如馬伺人入水食人

印魚長一尺三寸額上四方如印有字諸大魚應死者先以印封之

石斑魚僧行儒言建州有石斑魚好與虵交南中多隔蜂窠大如壺常群螫人土人取石斑魚就蜂樹側炙之

標於竿上向日令魚影落其窠上須臾有鳥大如鷲數百互擊其窠窠碎落如葉蜂亦全盡

鯢魚如鮎四足長尾能上樹天旱輒含水上山以草葉覆身張口鳥來飲水因吸食之聲如小兒峽中人食之先縛於樹鞭之身上白汗出如構汁去此方可食不爾有毒

鸞雌常負雄而行魚者必得其雙南人列肆賣之雄者少肉舊說過海輒相負於背高尺餘如帆乘風遊行今鸞殼上有一物高七八寸如石珊瑚俗呼爲鸞帆成式荊州常得一枚至今閩嶺重鸞子醬鸞十二足殼可爲

冠次於白角南人取其尾爲小如意也

飛魚朗山浪水有之魚長一尺能飛飛即凌雲空息即歸潭底

溫泉中魚南人隨溪有三亭城城下溫泉中生小魚

羊頭魚周陵溪中有魚其頭似羊俗呼爲羊頭魚豐肉少骨殊美於餘魚

鱣魚濟南郡東北有鱣坑傳言魏景明中有人穿井得魚大如鏡其夜河水溢入此坑坑中居人皆爲鱣魚焉
璫瑁虫不再交者虎鴛與璫瑁也

螺蚌鸚鵡螺如鸚鵡見之者凶蚌當雷聲則瘳

一曰瘳

蟹八月腹中有芒芒真稻芒也長寸許向東輸與海神未輸不可食

善苑國出百足蟹長九尺四螯煎爲膠謂之螯膠勝鳳喙膠也

平原郡貢糖蠨採於河間界每年生貢斲冰火照懸老犬肉蠨覺老犬肉即浮因取之一枚直百金以瓊密束於驛馬馳至於京

蝥蛄天者長尺餘兩螯至強八月能與虎鬪虎不如隨大潮退殼一退一長

奔鯨奔鯨一名濁非魚非蛟大如船長二三丈色如鮎

有兩乳在腹下雄雌陰陽類人取其子著岸上聲如嬰兒啼頂上有孔通頭氣出嚇嚇作聲必大風行者以爲候相傳嬾婦所化殺一頭得膏三四斛取之燒燈照讀書紡績輒暗照歡樂之處則明

係臂如龜入海捕之人必先祭又陳所取之數則自出因取之若不信則風波覆船

蛤梨候風雨能以殼爲翅飛

擁劔一螯極小以大者鬪小者食

寄居殼似蝸一頭小蠨一頭螺蛤也寄在殼間常候蝸

一名螺開出食螺欲合遽入殼中

牡蠣言牡非謂雄也介蟲中唯牡蠣是鹹水結成也
玉桃似蚌長二寸廣五寸殼中柱灸之如牛頭眩項
數丸形似彭蠡競取土各作丸丸數滿三百而潮至一
曰沙丸
千人捏形似鱗大如錢殼甚固壯夫極力捏之不死俗
言千人捏不死因名焉

蟲篇

蟬未脫時名復育相傳言蛭蟻所化秀才韋翹一日莊
在杜曲常冬中掘樹根見復育附於朽處恠之村人言
蟬固朽木所化也翹因剖一視之腹中猶實爛木

蝶百蛺蝶尺蠖蛺所化也秀才顧非熊少時常見鬱樓中壤綠裙幅旋化爲蝶工部員外郎張周封言百合花合之泥其隙經宿化爲大胡蝶

蟻秦中多巨黑蟻好鬪俗呼爲馬蟻次有色竊赤者細蟻中有黑者遲鈍力舉等身鐵有竊黃者最有兼弱之智成式兒戲時常以棘刺標蠅寘其來路此蟻觸之而返或去穴一尺或數寸纔入穴中者如索而出疑有聲而相召也其行每六七有大首者間之整若隊伍至徙蠅時大首者或翼或殿如備異蟻狀也○元和中成式假居在長興里庭中有一穴蟻形狀如竊赤之蟻之大

者而色正黑腰節微赤首銳足高走最輕迅每生致蟻
及小魚一日入穴輒壞垤室穴蓋防其逸也自後徙居
數處更不復見此

山人程宗又一日云程執恭在易定野中蟻樓高二尺

餘

蜘蛛道士許象之言以盆覆寒食飯於暗室地上入夏
悉化為蜘蛛

吳公綏安縣多吳公大者兔尋能以氣吸兔一云大者能以氣吸

兔小者吸蜥蜴相去三四尺骨肉自消

蠨螋成式書齋多此蟲蓋好窠於書卷也或在筆管中

祝聲可聽有時開卷視之悉是小蜘蛛大如蠅虎旋以
泥隔之時方知不獨負桑蟲也

顛當成式書齋前每雨後多顛當窠

秦人所呼深如蚓穴網

絲其中土蓋與地平大如榆筴常仰捍其蓋伺蠅虻過
輒翻蓋捕之纔入復閉與地一色並無絲隙可尋也其

形似蜘蛛

如牆角鼠
網中者

爾雅謂之王蛛

一作

蜴鬼谷子謂

之蛛母秦中兒童戲曰顛當顛當牢守門螿螿寇汝無
處奔

蠅長安秋多蠅成式蠹書常日讀百家五卷頗為所擾
觸睫隱字敲不能已偶拂殺一焉細視之翼甚似蝟冠

甚似蜂性察於腐嗜於酒肉按理首翼其類有蒼者聲雄壯負金者聲清聒其聲在翼也青者能敗物巨者首如火或曰大麻蠅茅根所化也

壁魚補闕張周封言嘗見壁上白瓜子化爲白魚因知列子言朽瓜爲魚之義

蝓蟻草中有蝓蟻樹

天牛蟲黑甲蟲也長安夏中此蟲或出於離壁間必雨成式七度驗之皆應

異蟲溫會在江州與賓客看打魚漁子一人忽上岸狂走溫問之但反手指背不能語漁者色黑細視之有物

如黃葉大尺餘眼遍其上齧不可取温令燒之方落每對一眼底有紫如釘漁子出血數升而死莫有識者

冷虵申王有肉疾腹垂至骭每出則以白練束之至暑月常斲息不可過玄宗詔南方取冷虵二條賜之虵長數尺色白不螫人執之冷如握冰申王腹有數約夏月寘於約中不復覺煩者

異蜂有蜂如蠟蜂稍大飛勁疾好圓裁樹葉卷入木竅及壁罅中作窠成式常發壁尋之每葉卷中實以不潔或云將化爲蜜也

白蜂窠成式修竹里私第菓園數畝壬戌年有蜂如麻

子蜂膠土爲窠於庭前簷大如雞卵色正白可愛家弟
惡而壞之其冬果釁鍾手足南史言宋明帝惡言白問
金樓子言子婚日疾風雪下幃幕變白以爲不祥抑知
俗忌白久矣

毒蜂嶺南有毒菌夜明經雨而腐化爲巨蜂黑色喙若
鋸長三分餘夜入人耳鼻中斷人心繫

竹蜜蜂蜀中有竹蜜蜂好於野竹上結窠窠大如雞子
有蒂長尺許窠與蜜並紺色可愛其倍於常蜜

水蛆南中水碓澗中多此蟲長寸餘色黑夏深變爲虫
螫人甚毒

水蟲象浦其川渚有水蟲攢木食船數十日船壞蟲甚
微細

抱搶水蟲也形如蝮蟻稍大腹下有刺似搶如棘鍼螫
人有毒

負子水蟲也有子多負之

避役南中有蟲名避役一曰十二辰蟲狀似蛇醫脚長
色青赤肉鬣暑月時見於籬壁間俗云見者多稱意事
其首倏忽更變爲土辰狀成式再從兄鄴常觀之

食膠蟲夏月食松膠前脚傳之後脚聶之內之尻中

蠟蝟形如蟬其子如蝦著草葉得其子則母飛來就之

煎食辛而美

竈馬狀如促織稍大脚長好穴於竈側俗言竈有馬足食之兆

謝豹號州有蟲名謝豹常在深土中司馬裴沈子常治坑獲之小類蝦蟇而圓如毬見人以前兩脚交覆首如羞狀能穴地如鼯鼠頃刻深數尺或出地聽謝豹鳥聲則腦裂而死俗因名之

碎車蟲狀如唧聊蒼色好棲高樹上其聲如人吟嘯終南有之○一本云滄州俗呼為搔前太原有大而黑者聲唧聊碎車別俗呼為沒鹽蟲也

度古似書帶色類蚓長二尺餘首如鏟背上有黑黃襴
稍觸則斷常赴蚓蚓不復動乃上蚓掩之良久蚓化惟
腹泥如涎有毒雞喫輒死俗呼土蠱

雷蜺大如蚓以物觸之乃蹙縮圓轉若鞠良久引首鞠
形漸小復如蚓焉或云齧人毒甚

矛虵頭鼈身入水緣樹木生嶺南南人謂之矛膏至利
銅瓦器貯浸出惟雞卵殼盛之不漏主腫毒

藍虵首有大毒尾能解毒出梧州陳家洞南人以首合
毒藥謂之藍藥藥人立死取尾爲腊反解毒藥

蝮虵長十丈常吞鹿鹿消盡乃繞樹出骨養創時肪腴

甚美或以婦人衣投之則蟠而不起其膽上旬近頭中
旬在心下旬近尾

蝎鼠負蟲巨者多化爲蝎蝎子多負於背成式常見一
蝎負十餘子子色猶白纔如稻粒成式常見張希復言
陳州古倉有蝎形如錢螫人必死江南舊無蝎開元初
常有一主簿竹筒盛過江至今江南往往而有俗呼爲
主簿蟲蝎常爲蝎所食以跡規之蝎不復去舊說過滿
百爲蝎所螫蝎前謂之螫後謂之蠱

虱舊說虱蟲飲赤龍所浴水則愈虱惡水銀人有病虱
者雖香衣沐浴不得已道士崔白言荊州秀才張告常

捫得兩頭虱有草生山足濕處葉如百合對葉獨莖莖
微赤高一二尺名虱建草能去蟣虱有水竹葉如竹生
水中短小亦治虱

蝗荊州有帛師號法通本安西人少於東天竺一出家言
蝗蟲腹下有梵字或自天下來者乃叨利天梵天來者
西域驗其字作本天壇法禳之今蝗蟲首有王字固自
不可曉或言魚子變近之矣舊言蟲食穀者部吏所致
侵漁百姓則蟲食穀蟲身黑頭赤武吏也頭黑身赤儒
吏也

野狐鼻涕蝶蛸也俗呼爲野狐鼻涕

一、禮部
二、兵部
三、刑部
四、工部
五、戶部
六、吏部
七、禮部
八、兵部
九、刑部
十、工部
十一、戶部
十二、吏部

一、禮部
二、兵部
三、刑部
四、工部
五、戶部
六、吏部
七、禮部
八、兵部
九、刑部
十、工部
十一、戶部
十二、吏部

身
心
法
一
心
法
一
心
法
一

唐段少卿西陽襟俎前集卷之十八

唐 太常少卿臨淄柯古段成式 撰

明 四川道監察御史內鄉李雲鵠 校

廣動植之三

木篇

松凡言兩粒五粒粒當言鬣成式修竹里私第大堂前有五鬣松兩株大財如椀甲子年結實味與新羅南詔者不別五鬣松皮不鱗中使仇士良水磴亭子在城東有兩鬣皮不鱗者又有七鬣者不知自何而得俗謂孔雀松三鬣松也松命根下遇石則偃蓋不必千年也

竹竹花曰覆

覆一曰

死曰箝六十年一易根則結實枯死

箇墮竹大如脚指腹中白幕攔

蘭一曰

隔狀如濕麪將成

竹而筒皮未落輒有細蟲齧之隕籜後蟲齧處成赤跡似綉畫可愛

棘竹一名笆竹節皆有刺數十莖為叢南夷種以為城

卒不可攻或自崩根出大如酒甕縱橫相承狀如縲車

食之落人齒

齒一作髮

筴竹南方以為矛筍未成時堪為弩絃

百葉竹一枝百葉有毒○竹譜竹類有三十九

慈竹夏月經雨滴汁下地生蓐似鹿角色白食之已痢

也

異木天曆中成都百姓郭遠因樵獲瑞木一莖理成字曰天下太平詔藏于秘閣

京西持國寺寺前有槐樹數株金監買一株令所使巧工解之及入內迴工言木無他異金大嗟惋令膠之曰此不堪矣但使爾知予工也乃別理解之每片一天王塔戟成就焉

都官陳脩古員外言西川一縣不記名吏因換獄卒木薪之天尊形像存焉

異樹婁約居常山据禪座有一野嫗手持一樹植之於

庭言此是蜻蜓樹歲久芬芳鬱茂有一鳥身赤尾長常
止息其上

異果贍披國有人牧牛千百餘頭有一牛離群忽失所

在至暮方歸形色嗚吼異常群牛異

長一日

之明日遂獨

行主因隨之入一穴行五六里豁然明朗花木皆非人
間所有牛於一處食草草不可識有果作黃金色牧牛
人竊一將還爲鬼所奪又一日復往取此果至穴鬼復
欲奪其人急吞之身遂暴長頭纔出身塞於穴數日化
爲石矣

甘子天寶十年上謂宰臣曰近日於宮內種甘子數株

今秋結實一百五十顆與江南蜀道所進不異宰臣賀表曰雨露所均混天區而齊被草木有性憑地氣而潛通故得資江外之珍果爲禁中之華實相傳玄宗幸蜀年羅浮其子不實嶺南有蟻大於秦中馬蟻結窠於其樹實時常循其上故其皮薄而滑往往其實在其窠中冬深取之味數倍於常者

樟木江東人多取爲船船有與蛟龍鬪者

石榴一名丹若一作丹茗梁大同中東州後堂石榴皆生雙

子南詔石榴子大皮薄如藤紙味絕於洛中○石榴甜者謂之天漿能已乳石毒

柿俗謂柿樹有七絕一壽二多陰三無鳥巢四無蟲五
霜葉可翫六嘉實七落葉肥大

漢帝杏濟南郡之東南有分流山山上多杏大如梨色
黃如橘土人謂之漢帝杏亦曰金杏

脂衣奈漢時紫奈大如升核紫花青研之有汁可漆或
著衣不可浣也

仙人棗晉時太倉南有翟泉泉西有華林園園有仙人
棗長五寸核細如鍼

楷孔子墓上特多楷木

梔子諸花少六出者唯梔子花六出陶真白言梔子剪

花六出刻房七道其花香甚相傳即西域蒼蔔花也

仙桃出郴州蘇耽仙壇有人至心祈之輒落壇上或至五六顆形似石塊赤黃色破之如有核三重研飲之愈衆疾尤治邪氣

娑羅巴陵有寺僧房牀下忽生一木隨伐隨長外國僧見曰此娑羅也元嘉初出一花如蓮天寶初安西道進娑羅枝狀言臣所管四鎮有拔汗那最爲密近木有娑羅樹特爲竒絕不庇凡草不止惡禽聳幹無慚於松栝成陰不愧於桃李近差官拔汗那使令採得前件樹枝二百莖如得託根長樂擢穎建章布葉垂陰隣月中之

丹桂連枝接影對天上之白榆

赤白檀出涼州大者爲炭入以灰汁可以煮銅爲銀

仙樹祁連山上有仙樹實行旅得之止饑渴一名四味

木其實如棗以竹刀剖則甘鐵刀剖則苦木刀剖則酸

蘆刀剖則辛

木五香根旃檀節沉香花雞舌葉藿膠薰陸

椒可以來水銀茱萸氣好上椒氣好下

構穀田久廢必生構葉有瓣曰楮無曰構

一作大曰楮小曰構

黃楊木性難長世重黃楊以無火或曰以水試之沉則

無火取此木必以陰晦夜無一星則伐之爲枕不裂

蒲萄俗言蒲萄蔓好引于西南庾信謂魏使尉瑾曰我

在鄴遂大得蒲萄奇有滋味陳昭

一作招

曰作何形狀徐

君房曰有類軟棗信曰君殊不體物何得不言似生荔枝魏肇師曰魏武有言末夏涉秋尚有餘暑酒醉宿醒掩露而食甘而不飴酸而不酢道之固以流沫稱奇况親食之者瑾曰此物實出於大宛張騫所致有黃白黑三種成熟之時子實逼側星編珠聚西域多釀以爲酒每來歲貢在漢西京似亦不少杜陵田五十畝中有蒲萄百樹今在京兆非直止禁林也信曰乃園種戶植接蔭連架昭曰其味何如橘柚信曰津液奇勝芬芳減之

西前十八
五
瑾曰金衣素裹見苞作貢向齒自消良應不及

貝丘之南有蒲萄谷谷中蒲萄可就其所食之或有取
歸者即失道世言王母蒲萄也天寶中沙門曇霄因遊
諸岳至此谷得蒲萄食之又見枯蔓堪爲杖大如指五
尺餘持還本寺植之遂活長高數仞蔭地幅員十丈仰
觀若帷蓋焉其房實磊落紫瑩如墜時人號爲草籠珠
帳焉

凌霄花中露水損人目

松楨即鍾藤也葉大者晉安人以爲盤

侯騷蔓生子如雞卵既甘且冷輕身消酒廣志言因王

太僕所獻

蠡齋子如彈丸魏武帝常啖之

酒杯藤大如臂花堅可酌酒實大如指食之消酒

白柰出涼州野豬澤大如兔頭

比閭出白州其華若羽伐其木為車終日行不敗

菩提樹出摩伽陀國在摩訶菩提寺蓋釋迦如來成道

時樹一名思惟樹莖幹黃白枝葉青翠經冬不凋至佛

入滅日變色凋落過已還生至此日國王人民大作佛

事收葉而歸以為瑞也樹高四百尺下有銀塔周迴繞

之彼國人四時常焚香散花繞樹作禮唐貞觀中頻遣

使往於寺設供并施袈裟至高宗顯慶五年於寺立碑

以紀聖德此樹梵名有二一曰賓撥梨一曰梨婆力义二曰

阿濕曷咄婆一曰娑婆力义西域記謂之卑鉢羅以佛於其

下成道即以道為稱故號菩提婆一曰娑婆力义漢翻為樹

昔中天無憂王剪伐之令事大婆羅門積薪焚焉熾焰

中忽生兩樹無憂王因懺悔號灰菩提樹遂周以石垣

至賞設迦至一曰王復掘之至泉其根不絕坑火焚之溉

以甘蔗汁欲其焦爛後摩揭陀國滿胄王無憂之曾孫

也乃以千牛乳澆之信宿樹生如舊更增石垣高二丈

四尺玄裝至西域見樹出垣上二丈餘

貝多出摩伽陀國長六七丈經冬不凋此樹有三種一

者多羅娑

娑一日

力义貝多二者多梨娑

娑一日

力义貝多

三者部娑

娑一日

力义多羅多梨

梨一日多

並書其葉部闕

娑一日

一色取其皮書之貝多是梵語漢翻爲葉貝多娑

力义者漢言葉樹也西域經書用此三種皮葉若能保

娑一日

護亦得五六百年○嵩山記稱嵩高寺中有思惟樹即

貝多也○釋氏有貝多樹下思惟經顧徽廣州記稱貝

多葉似枇杷並謬○交趾近出貝多枝彈材中第一

龍腦香樹出婆利國婆利呼爲固不婆律亦出波斯國

樹高八九丈大可六七圍葉圓而背白無花實其樹有

肥有瘦瘦者有婆律膏香一曰瘦者出龍腦香肥者出婆律膏也在木心中斷其樹劈取之膏於樹端流出斫樹作坎而承之入藥用別有法

安息香樹出波斯國波斯呼爲辟邪樹長三丈皮色黃黑葉有四角經寒不凋二月開花黃色花心微碧不結實刻其樹皮其膠如飴名安息香六七月堅凝乃取之燒之通神明辟衆惡

無石子出波斯國波斯呼爲摩賊樹長六七丈圍八九尺葉似桃葉而長三月開花白色花心微紅子圓如彈丸初青熟乃黃白蟲食成孔者正熟皮無孔者入藥用

其樹一年生無石子一年生跋屨子大如指長三寸上有殼中仁如栗黃可噉

紫銚樹出真臘國真臘國呼爲勒佉亦出波斯國樹長一丈枝條鬱茂葉似橘經冬而凋三月開花白色不結子天大霧露及雨沾濡其樹枝條即出紫銚波斯國使烏海及沙利深所說並同真臘國使折衝都尉沙門陀沙尼拔陀言蟻運土於樹端作窠蟻壤得雨露凝結而成紫銚崑崙國者善波斯國者次之

阿魏出伽闍那國即北天竺也伽闍那呼爲形虞亦出波斯國波斯國呼爲阿虞截樹長八九丈皮色青黃三

月生葉葉似鼠耳無花實斷其枝汁出如飴久乃堅凝
名阿魏拂林國僧鸞所說同摩伽陀國僧提婆言取其
汁和米豈屑合成阿魏

婆那娑樹出波斯國亦出拂林呼爲阿菩禪樹長五六
丈皮色青綠葉極光淨冬夏不凋無花結實其實從樹
莖出大如冬瓜有殼裹之殼上有刺瓢至甘甜可食核
大如棗一實有數百枚核中仁如栗黃炒食之甚美
波斯棗出波斯國波斯國呼爲窟莽樹長三四丈圍五
六尺葉似土藤不凋二月生花狀如葵花有兩甲漸漸
開罅中有十餘房子長二尺黃白色有核熟則紫黑狀

類乾棗味甘如錫可食

偏桃出波斯國波斯呼為婆淡樹長五六丈圍四五尺葉似桃而闊大三月開花白色花落結實狀如桃子而形偏故謂之偏桃其肉苦澁不可噉核中仁甘甜西域諸國並珍之

檠柞

一作碧

檠樹出波斯國亦出拂林國拂林呼為群漢

樹長三丈圍四五尺葉似細榕經寒不凋花似橘白色子綠大如酸棗其味甜膩可食西域人壓為油以塗身可去風痒

齊暎樹出波斯國亦出拂林國拂林呼為齊匿

音陽樹

長二三丈皮青白花似柚極芳香子似楊桃五月熟西域人壓爲油以煮餅菓如中國之用巨勝也

胡椒出摩伽陀國呼爲昧履支其苗蔓生極柔弱葉長寸半有細條與葉齊條上結子兩兩相對其葉晨開暮合合則裹其子於葉中形似漢椒至辛辣六月採今人作胡盤肉食皆用之

白荳蔻出伽古羅國呼爲多骨形似芭蕉葉似杜若長八九尺冬夏不凋花淺黃色子作朶如蒲萄其子初出微青熟則變白七月採

菓撥出摩伽陀國呼爲菓撥梨拂林國呼爲阿梨訶噠

苗長三四尺莖細如箸葉似葢葉子似桑椹八月採

齧齋出波斯國拂林呼爲預勃梨咄長一丈餘圍一尺許皮色青薄而極光淨葉似阿魏每三葉生於條端無花實西域人常八月伐之至臘月更抽新條極滋茂若不剪除反枯死七月斷其枝有黃汁其狀如蜜微有香氣入藥療病

波斯皂筴出波斯國呼爲忽野簷默拂林呼爲阿梨去伐樹長三四丈圍四五尺葉似枸緣而短小經寒不凋不花而實其筴長二尺中有隔隔內各有一子大如指頭赤色至堅硬中黑如墨舂如飴可噉亦入藥用

沒樹出波斯國拂林呼爲阿縵長一丈許皮青白色葉似槐葉而長花似橘花而大子黑色大如山茱萸其味酸甜可食

阿勃參出拂林國長一丈餘皮青白色葉細兩兩相對花似蔓菁正黃子似胡椒赤色斫其枝汁如油以塗疥癬無不瘥者其油極貴價重於金

捺祇出拂林國苗長三四尺根大如鴨卵葉似蒜葉中心抽條甚長莖端有花六出紅白色花心黃赤不結子其草冬生夏死與蕎一作齊麥相類取其花壓以爲油塗身除風氣拂林國王及國內貴人皆用之

野悉蜜出拂林國亦出波斯國苗長七八尺葉似梅葉
四時敷榮其花五出白色不結子花若開時遍野皆香
與嶺南唐糖相類西域人常採其花壓以爲油甚香滑

底稱實阿驛波斯國呼爲阿驛拂林呼爲底玆一作樹

長四五丈枝葉繁茂葉有五出似裨麻無花而實實赤

色類裨子味似乾柿而一月一作一年一熟



唐段少卿酉陽雜俎前集卷之十九

唐 太常少卿臨淄柯古段成式 撰

明 四川道監察御史內鄉李雲鵠 校

廣動植類之四

草篇

芝天寶初臨川郡人李嘉胤所居柱上生芝草形類天尊太守張景佚截柱獻之

大曆八年廬州廬江縣紫芝生高二丈五尺芝類至多參成芝斷而可續

夜光芝 一株九實實墜地如七寸鏡夜視如牛目茅君

種於句曲山

隱辰芝狀如斗以屋爲節以莖爲剛

屋一作星剛一作網

鳳腦芝仙經言穿地六尺以環竇一枚種之灌以黃水

五合以土堅築之三年生苗如匏

一日刻

實如桃五色名

鳳腦芝食其實唾地爲鳳乘升太極

白符芝大雪而華

五德芝如車馬

茵芝如樓○凡學道三十年不倦天下金翅鳥銜芝至

羅門山食

一日生

石芝得地仙

蓮石蓮入水必沉唯煎鹽鹹鹵能浮之鴈食之糞落山

石間百年不壞相傳椽子落水爲蓮

苔慈恩寺唐三藏院後簷階開成未有苔狀如苦苣布於塼上色如藍綠輕嫩可愛談論僧義林太和初改葬基法師初開塚香氣襲人側卧塼臺上形如生塼上苔厚二寸餘作金色氣如梅檀

瓦松崔融瓦松賦序曰崇文館瓦松者產於屋雷之下謂之木也訪山客而未詳謂之草也驗農皇而罕記賦云煌煌特秀狀金芝之產雷歷歷虛懸若星榆之種天葩條郁毓根抵連卷間紫苔而裊露凌碧瓦而含煙又曰慚魏宮之烏悲恧漢殿之紅蓮崔公學博無不該悉

豈不知瓦松已有著說乎○博雅在屋曰昔耶在墻曰垣衣廣志謂之蘭香生於久屋之瓦魏明帝好之命長安西載其瓦於洛陽以覆屋前代詞人詩中多用昔耶梁簡文帝詠薔薇曰緣階覆碧綺依簷映昔耶或言構木上多松栽土木氣洩則瓦生松○大曆中脩含元殿有一人投狀請瓦且言瓦工惟我所能祖父已嘗瓦此殿矣衆工不服因曰若有能瓦畢不生瓦松乎衆方服焉○又有李阿黑者亦能治屋布瓦如齒間不通縫亦無瓦松本草瓦衣謂之屋遊

瓜惡香香中尤忌麝鄭注太和初赴職河中姬妾百餘

盡騎香氣數里逆於人鼻是歲自京至河中所過路瓜
盡死一蒂不獲

芰今人但言菱芰諸解草木書亦不分別惟王安貧武
陵記言四角三角曰芰兩角曰菱今蘇州折腰菱多兩
角成式曾於荊州有僧遺一斗郢城菱三角而無芒一
刺可以接一曰莎接一曰莎

芰一名水栗一名薺苳一作薺苳○漢武昆明池中有浮根

菱根出水上葉淪沒波下亦曰青水芰○玄都有菱碧

色狀如雞飛名翻雞芰仙人臯伯子常採之

兔絲子多近棘及藿山居者疑二草之氣類也

西府十六
天名精一曰鹿活草昔青州劉慥

炳一作

宋元嘉中射一

鹿剖五藏以此草塞之蹶然而起慥恠而拔草復倒如此二度慥密錄此草種之多主傷折俗呼爲劉慥草牡丹前史中無說處惟謝康樂集中言竹間水際多牡丹成式檢隋朝種植法七十卷中初不記說牡丹則知隋朝花藥中所無也開元末裴士淹爲郎官奉使幽冀迴至汾州衆香寺得白牡丹一窠植於長安私第天寶中爲都下奇賞當時名公有裴給事宅看牡丹詩詩尋訪未獲一本有詩云長安年少惜春殘爭認慈恩紫牡丹別有玉盤乘露冷無人起就月中看太常博士張乘

嘗見裴通祭酒說又房相有言牡丹之會瑄不預焉至德中馬僕射鎮太原又得紅紫二色者移於城中○元和初猶少今與戎葵角多少矣○韓愈侍郎有疎從子姪自江淮來年甚少韓令學院中伴子弟子弟悉爲凌辱韓知之遂爲街西假僧院令讀書經旬寺主綱復訴其狂率韓遽令歸且責曰市肆賤類營衣食尚有一事長處汝所爲如此竟作何物姪拜謝徐曰某有一藝恨叔不知因指階前牡丹曰叔要此花青紫黃赤唯命也韓大竒之遂給所須試之乃豎箔曲盡遮牡丹叢不令人窺握窠四面深及其根寬容人座唯賞紫鑛輕粉朱

紅旦暮治其根凡七日乃填坑白其叔曰恨校遲一月
時冬初也牡丹本紫及花發色白紅歷綠每朵有一聯
詩字色紫分明乃是韓出官時詩一韻曰雲橫秦嶺家
何在雪擁藍關馬不前十四字韓大驚異姪且辭歸江
淮竟不願仕○興唐寺有牡丹一窠元和中著花一千
二百朵其色有正暈倒暈淺紅淺紫深紫黃白檀等獨
無深紅又有花葉中無抹心者重臺花者其花面徑七
八寸○興善寺素師院牡丹色絕佳元和末一枝花合

歡

金燈一曰九形花葉不相見俗惡人家種之一名無義

草

合離根如羊魁有游子十二環之相須而生而實不連以氣相屬一名獨搖一名離母若土人所食者合呼爲

赤箭

蜀一作莢葵本胡中葵也一名胡葵似葵大者紅可以緝

爲布枯時燒作灰藏火火久不滅花有重臺者

茄子茄字本蓮經名革遐反今呼伽未知所自成式因

就節下食伽子數蒂偶問工部員外郎張周封伽子故

事張云一名落蘇事具食療本草此誤作食療本草元

出拾遺本草成式記得隱疾行園詩云寒瓜方卧壠秋

菰正滿陂紫茄紛爛漫綠芋鬱參差又一名崑崙瓜嶺
南茄子宿根成樹高五六尺姚向曾爲南選使親見之
故本草記廣州有慎火樹樹大三四圍慎火即景天也
俗呼爲護火草○茄子熟者食之厚腸胃動氣發痰根
能治竈瘰欲其子繁待其花時取葉布於過路以灰規
之人踐之子必繁也俗謂之嫁茄子僧人多炙之甚美
有新羅種者色稍白形如雞卵西明寺僧造玄一曰院
女造
中有其種○水經云石頭西對蔡浦浦長百里有大
荻茨浦下有茄子浦

異菌開成元年春成式修竹里私第書齋前有枯紫荆

數枝蠹折因伐之餘尺許至三年秋枯根上生一菌大

如斗下布五足頂黃白兩暈緣垂裙如鵝鞞

鞞一日鞞

高尺

餘至午色變黑而死焚之氣如芋香成式常置香爐於
枱臺上每念經門生以爲善徵後覽諸志恠南齊吳郡
褚思莊素奉釋氏眠於梁下短柱是柘木去地四尺餘
有節大明中忽有一物如芝生於節上黃色鮮明漸漸
長數日遂成千佛狀面目爪指及光相衣服莫不完具
如金鏤隱起摩之殊軟常以春末生秋末落落時佛形
如故但色褐耳至落時其家貯之箱中積五年思莊不
復住其下亦無他顯盛闔門壽考思莊父終九十七兄

年七十健如壯年

又梁簡文延香園大同十年竹林吐一芝長八寸頭蓋似雞頭實黑色其柄似藕柄內通幹空

一曰柄
幹通空

皮質皆

絕白根下微紅雞頭實處似竹節脫之又得脫也自節處別生一重如結網羅四面周可五六寸圍繞周匝以罩柄上相遠不相著也其似結網衆目輕巧可愛其與柄皆得相脫驗仙書與威喜芝相類

舞草出雅州獨莖三葉葉如決明一葉在莖端兩葉居莖之半相對人或近之歌及抵掌謳曲必動葉如舞也

護門草常山北草名護門寘諸門上夜有人物

一曰
過輒

叱之

仙人條出衡嶽無根蒂生石上狀如同心帶三股色綠亦不常有

睡蓮南海有睡蓮夜則花低入水屯田韋郎中從事南海親見

蔓金苔晉時外國獻蔓金苔色如金若螢火之聚大如雞卵投之水中蔓延波上光泛鑠日一作目如火亦曰夜明苔

異蒿田在實布之子

一作田布悅之子

也大和中嘗過蔡州北

路側有草如蒿莖大如指其端聚葉似鷓鴣巢在顛折

視之葉中有小鼠數十繞若皂筴子目猶未開啾啾有聲

蜜草北天竺國出蜜草蔓生大葉秋冬不死因重霜露遂成蜜如塞上蓬鹽

老鴉笊籬葉如牛蒡而狹子熟時色黑狀如笊籬

鴨舌草生水中似蓴俗呼爲鴨舌草

胡蔓草生邕容間叢生花偏如梔子稍大不成及朶色黃白葉稍黑誤食之數日卒飲白鵝白鴨血則解或以一物投之祝曰我買你食之立死

銅匙草生水中葉如剪刀

水耐冬此草經冬在水不死成式於城南村墅池中有之

天芋生終南山中葉如荷而厚

水韭生於水湄狀如韭而葉細長可食

地錢葉圓莖細有蔓生溪澗邊一曰積雪草亦曰連錢草

蚍蜉酒草一曰鼠耳象形也亦曰無心草

盆甌草即牽牛子也結實後斷之狀如盆甌其中有子似龜蔓如署預

蔓胡桃出南詔大如扁螺兩隔味如胡桃或言蠻中藤

子也

油點草葉似蒼達每葉上有黑點相對

三白草此草初生不白入夏葉端方白農人候之蒔田
三葉白草畢秀矣其葉似署預

落迴一日博有大毒生江淮山谷中莖葉如麻莖中空

吹作聲如勃邏迴因名之

蒟蒻根大如椀至秋葉滴露隨滴生苗

鬼皂筴生江南地澤如皂筴高一二尺沐之長髮葉亦
去衣垢

通脫木如蟬麻生山側花上粉主治惡瘡心空中有瓢

輕白可愛女工取以飾物

毘尸沙花一名日中金錢花本出外國梁大同一年進
來中土

左行草使人無情范陽長貢

青草槐龍陽縣禪牛山南有青草槐叢生高尺餘花若
金燈仲夏發花一本云迄千秋

竹肉江淮有竹肉生竹節上如彈丸味如白雞竹皆向
北有大樹雞如梧捲呼爲胡孫眼

石耳廬山有石耳性熱

野狐絲庭有草蔓生色白花微紅大如粟秦人呼爲野

狐絲

金錢花一云本出外國梁大同二年進來中土梁時荊州椽屬雙陸賭金錢錢盡以金錢花相足魚弘謂得花勝得錢

荷漢明帝時池中有分枝荷一莖四一兩日葉狀如駢蓋子如玄珠可以飾珮也○靈帝時有夜舒荷一莖四蓮其葉夜舒晝卷

夢草漢武時異國所獻似蒲晝縮入地夜若抽萌懷其草自知夢之好惡帝思李夫人懷之輒夢

烏蓬葉如鳥翅俗呼爲仙人花

雀芋狀如雀頭置乾地反濕置濕處復乾飛鳥觸之墮
走獸遇之僵

望舒草出扶支國草紅色葉如蓮葉月出則舒月沒則
卷

紅草山戎之北有草莖長一丈葉如車輪色如朝虹齊
桓時山戎獻其種乃植於庭以表霸者之瑞

神草魏明時苑中合歡草狀如著一株百莖晝則衆條
扶踈夜乃合一莖謂之神草

三蔬晉時有芳蔬園在墉金墉之東有菜名芸薇一作

類有三種紫色爲上蔬味辛黃色者爲中蔬味甘青者

爲下蔬味鹹常以三蔬充御菜可以藉食

掌中芥末多國出也取其子置掌中吹之一吹一長長三尺乃殖於地

水網藻漢武昆明池中有水網藻枝橫側水上長八九尺有似網目鳧鴨入此草中皆不得出因名之

地日草南方有地日草三足烏欲下食此草羲和之馭以手掩烏目食此則美悶不復動○東方朔言爲小兒時井陷墜至地下數十年無所寄託有人引之令住此草中隔紅泉不得渡其人以一隻屐因乘汎紅泉得至草處食之

挾劔豆藥浪東有融澤之中生豆莢形似人挾劔橫斜而生

牧靡建寧郡烏句山南五百里牧靡草可以解毒百卉方盛烏鵲誤食烏喙中毒必急飛牧靡上喙牧靡以解也

唐段少卿酉陽雜俎前集卷之二十

唐 太常少卿臨淄柯古段成式 撰

明 四川道監察御史內鄉李雲鵠 校

肉攫部

取鷹法七月二十日爲上時內地者多塞外者殊少八
月上旬爲次時八月下旬爲下時塞外鷹畢至矣○鷹
網目方一寸八分縱八十目橫五十目以黃蘗和杼汁
染之令與地色相類螽蟴好食網以蘗防之○有網竿
○都杙○吳公○磔竿二一爲鶉竿一爲鴿竿鴿飛能
遠察見鷹常在人前若竦身動盼則隨其所視候之

取木雞木雀鷓網目方二寸縱三十目橫十八目

凡鷲鳥鷓生而有惠出殼之後即於窠外放巢大鷲恐其墮墜及爲日所曝熱暍致損乃取帶葉樹枝插其巢畔防其墜墜及作陰涼也欲驗鷓之大小以所插之葉爲候若一日二日其葉雖萎而尚帶青色至六七日其葉微黃十日後枯瘁此時雛漸大可取

凡禽獸必藏匿形影同於物類也是以虵色逐地茅兔必赤鷹色隨樹

鷹巢一名叢鷹呼叢子者雛鷹也鷹四月一日停放五月上旬拔毛入籠拔毛先從頭起必於平日過頂至伏

鷓則止從頸下過颺毛至尾則止尾根下毛名颺毛其背毛并兩翅大翎覆翮及尾毛十二根等并拔之兩翅大毛合四十四枝覆翮翎亦四十四枝八月中旬出籠雕角鷹等三月一日停放四月上旬置籠

鷓北回鷹過盡停放四月上旬入籠不拔毛鷓五月上旬停放六月上旬拔毛入籠

凡鷓擊等一變爲鷓二變爲鷓轉鷓三變爲正鷓自此已後至累變皆爲正鷓

白鷓背爪白者從一變爲鷓至累變其白色一定更不改易若背爪黑者臆前縱理翎尾斑節微微有黃色者

一變為鴉則兩翅封上及兩脰之毛間似紫白其餘白色不改

齊王高緯武平六年得幽州行臺僕射河東潘子光所送白鶻合身如雪色視臆前微微有縱白斑之理理色曖昧如纒紫本之色微帶青白向末漸烏其爪亦同於紫蠟脛並作黃白赤是為上品黃麻色一變為鴉其色不甚改易惟臆前縱斑漸闊而短鴉轉出後乃至累變背上微加青色臆前從理轉就短細漸加膝上鮮白此為次色

青麻色其變色一同黃麻之鴉此為下品又有羅鳥鴉

羅麻鴿一曰

白兔鷹觜爪白者從一變為鴿乃至累變其白色一定
更不改易觜爪黑而微帶青白色臆前縱理及翎尾斑
節微有黃色者一變背上翅尾微為灰色臆前縱理變
為橫理變色微漠若無畦間仍白至於鴿轉已後其灰
色微褐而漸漸向白其觜爪極黑體上黃鵲斑色微深
者一變為青白鴿鴿轉之後乃至累變臆前橫理轉細
則漸為鴿色也

齊王高洋天保三年獲白兔鷹一聯不知所得之處合
身毛羽如雪目色紫爪之本白向末為淺烏之色

一曰
目赤

色背爪之蠟脛並黃當時號為金脚
本色白

又高帝一曰高齊武平初領軍將軍趙野又獻白兔鷹一聯

頭及頂遙看悉白近邊熟視乃有紫跡在毛心其背上以白地紫跡點其毛心紫外有白赤周繞白色之外以黑為緣翅毛亦以白為地紫色節之臆前以白為地微微有纏赤縱理眼黃如真金背本之色微白向末漸烏蠟作淺黃色脛指之色亦黃爪色與背同

散花白背爪黑而微帶青白色者一變為紫理白鵝鵝轉以後乃至累變橫理轉細臆前紫漸滅成白其背爪極黑者一變為青白鵝鵝轉之後乃至累變橫理轉細

臆前漸作灰白色

赤色一變為鵠其色帶黑鵠轉已後乃至累變橫理轉細臆前微微漸白其背色不改此上色也

白唐一變為青鵠而微帶灰色鵠轉之後乃至累變橫理轉細臆前微微漸白

鵠爛堆一曰唯黃一變之鵠色如鶯鷖鵠轉之後乃至

累變橫理轉細臆前漸漸微白

黃色一變之後乃至累變其色似於鶯鷖而色微深大況鵠爛雄黃變色同也

青斑一變為青父鵠轉之後乃至累變橫理轉細臆

前微微漸白此次色也

白唐唐者黑色也謂斑上有黑色一變爲青白鵠襟帶
黑色鵠轉之後乃至累變橫理轉細臆前漸漸微白

赤斑唐謂斑上有黑色也一變爲鵠其色多黑鵠轉之
後乃至累變橫理轉細臆前黑雖漸褐世人仍名爲黑

鵠

青斑唐謂斑上有黑色也一變爲鵠其色帶青黑鵠轉
之後乃至累變橫理雖細臆前之色仍常暗黯此下色
也○鷹之雌雄唯以大小爲異其餘形相本無分別雉
鷹雖小而是雄鷹羽毛襟色從初及變旣同兎鷹更無

別述雉鷹一歲臆前縱理闊者世名爲鴝斑至後變爲鴝鶻之時其臆縱理變作橫理然猶闊大若臆前縱理本細者後變爲鴝鶻之時臆前橫理亦細

荆窠白者短身而大五觔有餘便鳥而快一名沙裏白生代北沙漠裏荆窠上向鴈門馬邑飛

代都赤者紫背黑鬚白精白毛三觔半已上四觔已下便兔生代川赤巖裏向虛丘中山白嚙飛

漠北白者身長且大五觔有餘細斑短脰鷹內之最生沙漠之北不知遠近向代川中山飛一名西道白

房山白者紫背細斑三觔已上四觔已下便兔生代東

房山白楊椒樹上向范陽中山飛

漁陽白腹背俱白大者五觔便兔生徐無及東西曲一名大曲小曲白葉樹上生向章武合口博海飛

東道白腹背俱白大者六觔餘鷹內之最大生盧龍和龍以北不知遠近向渙林巨黑一日章武合口光州一日

川飛雖稍軟若值快者越於前鷹

土黃所在山谷皆有生柞櫟樹上或大或小

黑皂驪大者五觔生漁陽山松杉樹上多死時有快者

章武飛

白皂驪大者五觔生漁陽白道河陽漠北所在皆有生

栢枯樹上便鳥向靈丘中山范陽章武飛

青斑天者四觚生代北及代川白楊樹上細斑者快向
靈丘山范陽飛

鵞鷹荏子青黑者快蛻淨眼明是未嘗養雛尤快若目
多眵蛻不淨者已養雛矣不任用多死又條頭無花雖
遠而聚或條出句然作聲短命之候口內赤反掌熱隔
衣蒸人長命之候疊尾振捲打格隻立理面毛藏頭睡
長命之候也凡鷲鳥飛尤忌錯喉病入义十無一活议
在咽喉骨前皮裏缺盆骨內膝之下

吸筒以銀錄爲之大如角鷹翅管鷹以下筒大小准其

翅管

几夜條不過五條數者短命條如赤小荳汁與白相和者死 凡網損 擺傷 兔蹋傷 鶴兵爪皆爲病

右酉陽雜俎二十卷唐段成式少卿所撰也余舊不識此書惟見諸家詩詞多引據其說及假來此以其書之所名者訪焉則無有也郡博士管君容成偶得之以示余其書類多仙佛詭恠幽經秘錄之所出至於推析物理器竒藝絕廣動植等篇則有前哲之所未及知者其載唐事修史者或取之按唐史成式世居青徐齊褒公志元四世孫宰相文昌子也文昌少客荊州酉陽荆之屬成式豈常寓游于此耶余聞方輿記云昔秦人隱學于小酉山石穴中有所藏書千卷梁湘東王尤好聚書故其賦曰訪酉陽之逸典或者成式以所著書有異乎

世俗故取諸逸典之義以名之也然自唐以前若古雜
家小說今既不傳而瑣碎之觀未有近于此者詎可棄
之而不存乎且其書以酉陽名而客之過此者未嘗不
以是書爲問也因刻之于此以備客對嘉定七禩甲戌
十月旣望永康周登書